



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Capitulare Aquisgranense anni DCCCXVII. de vita & conversatione
monachorum.

urn:nbn:de:hbz:466:1-19366

CAPITVLARE AQVISGRANENSE
DE VITA ET CONVERSATIONE MONACHORVM,

S I V E

Conventus Aquisgranensis Abbatum & monachorum regni Francorum, in quo sancta sunt capitula octuaginta ad continentos in officio monachos: quæ cum Principis auctoritate constituta fuissent, ab eoque deinceps approbata, inter ejus Capitularia referri meruerunt. De quibus hæc habet Leo Ostiensis in Chronico Casinensi lib. 1. cap. xvii. *Ludovicus Imperator, qui cognominatus est almus vel sanctus, huius Karoli filius, quarto imperij anno Aquisgrani in palatio cum plurimis totius Francie Abbatibus religiosisque monachis conventum faciens, utilissima noctri ordinis observationis septuaginta et duo generalia capitula constitut; que ita ferè omnia apud nos ac si beati Benedicti regula observantur.*

Anno incarnationis Domini nostri Iesu Christi DCCCXVII. imperij vero gloriissimi Principis Hludouici quarto, vii. Idus Iulias, cum in domo Aquisgrani palatij, quæ Lateranis dicitur, Abbes complures una cum suis refedissent monachis, hæc quæ subsequuntur capitula communī consilio ac pari voluntate inviolabiliter à regularibus conservari decreverunt.

INCIPIVNT CAPITVL A.

De Abbatis, mox ut ad monasteria sua remeaverint, ut regulam dicuant, & efficaciter legant, & quod legerint & intellexerint, cum suis obseruent monachis.

Concil.
Tract. c. 3.

I. **V**T Abbates, mox ut ad monasteria sua remeaverint, regulam per singula verba dicuentes pleniter legant, & intelligentes Domino opitulante efficaciter cum monachis suis implere studeant.

De monachis, ut regulam sancti Benedicti, qui valuerint, memoriter discant.

II. **V**t monachi omnes, qui possunt, regulam memoriter discant.

De regulari officio, ut juxta preceptum sancti Benedicti continetur celebrent monachi.

III. **V**t officium juxta quod in regula sancti Benedicti continetur celebrent monachi.

Vt tam in coquina quamque & in cunctis monasterij officiis monachi operentur, & ut ipsi vestimenta sua lavent.

IV. **V**t in coquina, in pistrino, &c in ceteris officiis propriis operentur manibus, & vestimenta sua opportuno tempore lavent.

De monachis, ut post matutinalem expletione, nisi ante constitutam surrexerint horam, denou ad lectos suos non presumant causa dormiendo redire.

V. **V**t nullo umquam tempore post vigilias causa dormiendi, nisi contigerit eos ante horam constitutam surgere, ad lectos redeant suos.

Vt monachi, nisi in sabbato sancto Pasche, per totam quadragesimam non radantur. Alio tempore post finitos quindecim dies licet radantur, tam in sabbatis, quam & in octavis Pasche.

VI. **V**t in quadragesima, nisi in sabbato sancto, non radantur. Alio autem

tempore, semel per quindecim dies rādantur, & in octavis Paschæ.

De balnearum usu.

VII. Ut balnearum usus in arbitrio Prioris constat.

De non edendis volatilibus à monachis intus foris, nisi infirmitatis causa.

VIII. Ut volatilia intus foris, nisi pro infirmitate, nullo tempore comedant.

Ne Episcopi monachis volatilia comedere precipiant.

IX. Ut nullus Episcoporum monachis volatilia comedere precipiat.

Ne à monachis poma & lacticæ, nisi quando alius cibus sumitur, manducentur.

X. Ut poma & lacticæ, nisi quando alius sumitur cibus, non comedantur.

De certo tempore phlebotomandi observando.

Et ut monachus tam ibi cibæ potissimum magis in supplementum largiatur.

XI. Ut certum phlebotomiae tempus non obseruant, sed unicuique secundum quod necessitas expostulat concedatur, & specialis in cibo & in potu tunc consolatio præbeatur.

Ut si necessitas postulaverit, monachis post vespertinum cibum ante lectiōnem complectorum potus tribuatur. Similiter quadragesimali tempore, vel quando mortuorum officium egerint.

XII. Ut si necessitas poposcerit ob operis laborem, post refectionem vespertinam, etiam & in quadragesima parodo, & quando officium mortuorum celebratur, priuquam lectio completorij legatur, bibant.

De monacho à Priore suo increpato.

XIII. Ut cùm à quoconque Priore suo increpatus quis eorum fuerit, *Mea culpa primò dicat*, dehinc proferens sè illius pedibus cum cappa, si habuerit, veniam petat. Et tunc jubente Priore surgat, & unde interrogatus fuerit rationem humiliter reddat.

Ut nudi pro qualibet culpa coram alijs non vapulent monachi.

XIV. Ut nudi pro qualibet culpa coram fratribus obtulib[us] non flagellentur.

Ne soli in itinere dirigantur monachi.

XV. Ut soli sine alio fratre in viam non dirigantur.

Ne sibi compatres vel commatres monachi faciant.

Burchard.
lib. 8.c. §1.
Ivo par. 1. non faciant, neque oculentur feminas.
c. 133.
Gratian. dist. 4. De consecrat. c. 104. Monachi.

Tom. I.

Ne marmurent monachi tempore legendi & meridiano occupati ad colligendas fruges.

XVII. Ut si necessitas fuerit eos occupari in fruges colligendo, constitutum legendi & meridi pausandi tempus prætermittatur, & operantes non marmurent.

De monachis quarta & sexta feria jejunantibus.

XVIII. Ut quarta & sexta feria jejunantes, ante nonam, aut post nonam, si necessitas fuerit, juxta Prioris arbitrium, levia opera exerceant.

Vt in quadragesima tempore monachi libros accipiant.

XIX. Ut in quadragesima libris de bibliotheca secundum Prioris dispositionem acceptis, alios, nisi Prior decreverit expedire, non accipiant.

De vestimento monachis nec satis pretioso nec satis vili dando.

XX. Ut ei vestimenta nec multum via, nec multum pretiosa, sed mediocria dentur.

De cucullæ mensura.

XXI. Ut mensura cucullæ duobus conficitur cubitis.

De potestate Abbatis, si extra mensuram infra positam aliquid addendum decreverit.

XXII. Ut si infra positâ mensurâ quantitatem decreverit Abbas causa necessitatis quippiam augeri, in illius maneat potestate. Alioquin hoc omnino providetur, ut camisia duas, & tunicas duas, & cucullas duas, & cappas duas unusquisque monachorum habeat, quibus vero necessitate est addatur & tertia, & pedules quatuor paria, & femoralia duo paria, roccum unum, pellicias usque ad talos duas, fasciolas duas, quibus autem necessitate est itineris caufa, alias duas, vuantos in æstate, muffulas in hyeme vervecinas, calcamenta diurna paria duo, subtalares per noctem in æstate duas, in hyeme vero soccos, saponem & unduram sufficienter, pinguedinem ad esum; excepto sexta feria & viginti diebus ante nativitatem Domini, & septimana illa quæ ante quadragesimam vocatur quinquagesima. Vbi autem vinum non est unde emina detur, duplícem mensuram de cervisia bona. Et quæcumque præter hæc regula juber, singuli, cùm necessitas postulaverit, absque dilatione accipiant.

De pedibus fratrum vicissim Levandi.

XXIII. Ut in quadragesima, sicut & in alio tempore, vicissim sibi pedes levant, & antiphonas huic officio con-

Oo ij

gruentes decantent. In cena vero Domini pedes fratrum, si valet, Abbas lavet & osculetur, & demum propria manu poculum eis porrigit.

De mandato post canam faciendo.

XXIV. Ut mandatum, si tempus ecce est, tam fratrum quam etiam peregrinorum post cenam fiat.

De mensura monachorum, ut ea Abbates illorum sint contenti.

XXV. Ut ea quam monachi sui habent mensura sint Abbates contenti, in manducando, in bibendo, in dormiendo, in vestiendo, in operando, quando in aliis utilitatibus non fuerint occupati.

De villis fratrum, ut eas non circumdeant monachi.

XXVI. Ut villas frequenter & nisi necessitas coegerit, non circumdeant, neque suis illas monachis custodiendas committant. Et si eos ire ad eas necessitas fuerit, expleto necessitatis negotio ad sua mox monasteria redeant.

De Abbatu vel quolibet monacho, ne ad portam monasterij cum quoconque hospite manducare presumat.

XXVII. Ut Abbas vel quispiam fratum ad portam monasterij cum hospitibus non reficiant. In refectorio autem omnem eis humanitatem manducandi ac bibendi exhibeat. Ipse tamen ea cibi potus que mensura contentus sit quam reliqui fratres accipiunt. Si vero propter hospitem voluerit ad solitam mensuram fratribus sibi augere aliquid, in sua maneat potestate.

Ne servitores fratrum post refectionem eorum ad unam mensam, sed in propriis sedeant locis.

XXVIII. Ut servitores non ad unam mensam, sed in propriis locis, post refectionem fratrum reficiant, quibus eadem lectio qua fratibus recitata est recitur.

De lectori, ut nihil nisi quod regula decernit accipiat.

XXIX. Ut nihil lectori nisi quod regula jubet detur.

De Alleluia in septuagesima dimittendo.

XXX. Ut Alleluia in septuagesima dimittatur.

De Praeposito, ut majorem quam ceteri habeat potestatem.

XXXI. Ut Praepositus intra & extra monasterium post Abbatem majorem reliquis Abbatii subditis habeat potestatem.

De Praeposito monachis non constitudo nisi & ipse monachus sit.

XXXII. Ut monachis non nisi monachus constitutatur Praepositus.

De senioribus fratribus monasterium circumdeuntibus.

XXXIII. Ut de senioribus monasterium circumdeuntibus quidam cum fratribus in obedientiam exeat, quidam in monasterio proper custodiam remaneant.

De novitio fratre, ut non facilis ei in monasterium tribuatur ingressus.

XXXIV. Ut novitio non facilis in monasterio tribuatur ingressus, & ut in cella hospitum probationis causa hospitibus serviat paucis diebus. Res vero, si quas habet, parentibus suis commander. Expleto autem probationis sua anno, secundum quod regula praecepit inde faciat. Ipse vero nec tandeatur, nec vestimenta pristina immutet, priusquam obedientiam promittat.

De monacho, quid agat post factam professionem.

XXXV. Ut monachus, professione facta, tribus diebus cuculla cooperatum habeat caput.

De puer, ut pater & mater eum ad altare offerant.

XXXVI. Ut puerum pater aut mater tempore oblationis offerant ad altare, & petitionem pro eo coram laicis testibus faciant, quam tempore intelligibili ipse puer confirmet.

De infantibus oblati, ut carnem non comedant.

XXXVII. Ut infantes oblati carnem non nisi causa infirmitatis manducent.

De fratribus post sextam dormientibus.

XXXVIII. Ut quando fratres post sextam dormiunt, si quis eorum voluerit legere, in Ecclesia aut in lecto suo legat.

De fratribus, ut usque nonam in quadragesima operentur.

XXXIX. Et in quadragesima usque ad nonam operentur fratres, quatenus Missa celebrata tempore congruo reficiant.

De his fratribus qui quolibet modo, tamen graviter delinquunt.

XL. Ut domus semota his qui fugere, aut pugnis baculis inter se voluerint configere, aut quibus ex integro facte sunt regulares disciplinæ, habeatur hujusmodi qua in hyeme ignis possit accendi, & atrium juxta sit in quo valeant quod eis injungitur operari.

De eo qui in refectorio negligenter coram fratribus aliquid excederit.

XLI. *Vt si quis negligenter sonitum fecerit, aut aliud quid excederit in refectorio, mox à Priori veniam petat.*

De plebeis non recipiendo in monasterio, nisi monachus fieri voluerit.

XLII. *Vt nullus plebeius seu Clericus secularis in monasterio ad habitandum recipiatur, nisi voluerit fieri monachus.*

De monachis jurando sermonem proferat, nisi sicut sancti patres constituerunt loqui.

XLIII. *Vt nemini liceat sermonem juramenti aut affirmationem proferre, nisi sicut sancti patres soliti fuerunt loqui.*

De Abbatibus cellulas monachorum vel Canonorum habentibus.

XLIV. *Vt Abbatibus liceat habere cellas in quibus aut monachi sint aut Canonici. Et Abbas provideat ne minus de monachis ibi habitare permittat quam sex.*

De schola in monasterio non habenda nisi de his qui oblati fuerint.

XLV. *Vt schola in monasterio non habeatur nisi eorum qui oblati sunt.*

De precipuis solemnitatibus sanctorum, ut plenarium in eis officium fiat, & bis monachi edant.

XLVI. *Vt in precipuis solemnitatibus, id est, in natale & in octauis Domini, in Epiphania, in Pascha quoque, & Ascensione Domini, & in Pentecosten, & in sanctorum festivitatibus, id est, sancti Stephani, & in beati Iohannis Evangelista, & in natale infantum, in Purificatione & Assumptione sancte Marie, similiter & in beatorum Apostolorum festis, & in sancti Iohannis Baptista nativitate, in sancti quoque Laurentij atque Martini, seu in natalitis cuiuslibet sancti cuius honor in qualicunque parochia specialiter celebratur, plenarium officium agatur, & bis reficiatur.*

De jejunio Paracceve.

XLVII. *Vt in Paracceve non aliud nisi panis & aqua sumatur.*

De benedictione post completorium dicenda.

XLVIII. *Vt benedictio post completorium à sacerdote dicatur.*

De decimis dandis tam Ecclesie quam pauperibus.

XLIX. *Vt de omnibus in eleemosynam datis tam Ecclesie quam fratibus decimis pauperibus dentur.*

De specialibus psalmis pro eleemosynariis & defunctis cantandis.

L. *Vt pratermissis partitionibus psalte-*

ri, psalmi specialies pro eleemosynariis & defunctis cantentur.

De Pentecoste, ut per hebdomadam non fleuantur genua, neque jejunetur, nisi dies jejuniū extierint.

L I. *Vt in hebdomada Pentecosten non fleuantur genua & non jejunetur, nisi statui fuerint dies jejuniū.*

De Laicis in refectoriorum monachorum manducandi vel bibendi causa non ducendis.

L II. *Vt laici causa manducandi ac bibendi in refectoriorum non ducantur.*

De vestimentis & calciamentis, ut fratribus quoties expedit dentur.

L III. *Vt quoties exposcit necessitas, vestimenta & calciamenta & omnia necessaria fratribus dentur.*

De his qui preponantur, ut nonni vocentur.

L IV. *Vt qui preponuntur, nonni vocentur.*

De seniore Decano.

L V. *Vt senior Decanus reliquis Decanis preponatur, & Abbate vel Praeposito presente locum proprium teneat.*

De Praeposito, Decano, & Cellarario.

L VI. *Vt Praepositus, Decanus, Cellarius eorum ministerio, nisi causa utilitatis aut necessitatis, non removeantur.*

De libra panis, ut triginta solidos penset antequam coquatur.

L VII. *Vt libra panis triginta solidis per duodecim denarios metatur.*

De dormitorio hospitum.

L VIII. *Vt dormitorum juxta oratorium constituantur ubi supervenientes monachi dormiant.*

De Abbatibus, ut secum monachos in itinere non nisi ad synodum ducant.

L IX. *Vt Abbes monachos secum in itinere, nisi ad generalem synodum, non ducant.*

De duabus signis ad tertiam, sextam, & nonam pulsendis.

L X. *Vt duo tantum signa ad tertiam, sextam, nonamque pulsentur.*

De monachis, ut disconfatas cappas non habeant, nisi tantum villosas.

L XI. *Vt monachi cappas disfutas præter villosas non habeant.*

De Abbatibus & Praepositis atque Decanis, ut benedictionem lectoribus tribuant, licet Presbyteri non sint.

L XII. *Vt Abbas, Praepositus, vel Decanus, quamvis Presbyteri non sint, lectoribus benedictionem tribuant.*

O o ij

Vt è fratribus docti eligantur qui supervenientibus monachis loquantur.

LXIII. *Vt docti fratres eligantur qui cum supervenientibus monachis loquantur.*

De incerto furto ut oratio & excommunicatio fiat, quousque qui culpabilis existit manifestetur.

LXIV. *Vt de furto incerto oratio & excommunicatio à corpore & sanguine Christi fiat quousque culpabilis confiteatur.*

De monacho qui adversus monachum alium testimonium protulerit.

LXV. *Vt si frater adversus fratrem pro qualibet culpa testimonium protulerit, fratris perfectiori credatur.*

De psalmo invitatorio & Gloria pro defunctis non cantandis.

LXVI. *Vt psalmus invitatorium & Gloria pro defunctis non cantetur.*

De lectori, ut sibi benedictionem petat.

LXVII. *Vt lector stando benedictionem postulet.*

De eulogio in refectorio fratribus à Presbyterie dandis.

LXVIII. *Vt eulogiae fratribus à Presbyteris in refectorio dentur.*

Quod ad Capitulum primò Martyrologium legendum sit, & versus postea dicendum, inde regula.

LXIX. *Vt ad Capitulum primitus Martyrologium legatur, & dicatur versus, dcinde regula, aut homelia quaelibet legatur. Deinde Tu autem Domine dicatur.*

De lectio in Capitulo exponenda.

LXX. *Vt ad Capitulum lectio tradatur, similiter ad conlationem, si tempus fuerit opportunum.*

De jejano fratribus a&fivo tempore.

LXXI. *Vt quando fratres a&fivo tempore jejunant, post sextam dormiant.*

De eo qui culpa noxa teneat, ut die dominico remissius habeat.

LXXII. *Vt is qui noxa culpa tenuerit, die dominico remissius habeat, & veniam non petat.*

De anniversaria die pro defuncto Abbatte celebranda.

LXXIII. *Vt pro Abbatte defuncto anniversarium fiat officium.*

De eo ut ad Missam inclinati Sanctus dicant, & ad Pater noster genua flectant.

LXXIV. *Vt ad Missam Sanctus stantes & Pater noster genua flectentes dicant.*

Non debet aliquis pro munere in monasterio recipi.

LXXV. *Vt nullus pro munere recipiatur in monasterio, nisi quem bona voluntas & morum commendat probitas.*

De mensura cibi ac potus, qua separatum monachis debet tribui.

LXXVI. *Vt unicuique fratri in cibo & in potu sua mensura separatum dentur, & de ipsa mensura sibi data alicui nihil tributur.*

De fratribus pinguedine, quam accipere debeant in vietu quotidiano.

LXXVII. *Vt fratres aliquid pinguedinis in vietu quotidiano habent; excepta sexta feria, & diebus octo ante natale Domini, & à quinquagesima usque ad Pascha.*

In natale Domini, & in festivitate Pasche, monachis volatilia sumere quatuor diebus concessum est.

LXXVIII. *Vt volatilia in natale Domini & in Pascha tantum quatuor diebus, si est unde, comedant. Si vero non fuerit unde, non requiratur per debitum. Si autem Abbas aut monachi abstinere se voluerint, in eorum sit arbitrio.*

De magistris monachis dandis.

LXXIX. *Vt mustulæ vervecinæ fratribus dentur.*

De discipline modo.

LXXX. *In doctrina sua Abbas apostolicam debet illam semper formulam ferare, in qua dicit: Argue, obsecra, increpa. Id est, indisciplinatos & inquietos debet, durius arguere, obedientes autem & mites & patientes ut in melius proficiant obsecrare. Negligentes vero & contemnentes ut increpet & corripia admonemus; neque diffimule peccata delinquimus; sed mox ut cooperint oriri, radicis ea ut prevalet amputet, memor periculi Heli ficerdotis de Silo. Improbos autem & duros ac superbos vel inobedientes verberum vel corporis castigationem in ipso initio peccati coercent, sciens scriptum:*

Stultus verbis non corrigitur, & iterum: Persecute filium tuum virga, & liberabis animam ejus à morte. In omnibus igitur omnes magistrum sequantur regulam, neque ab ei temere declinetur à quamcum. Nullus in monasterio proprii cordis sequatur voluntatem, neque presumat quicquam cum Abbatte suo protrevi infra monasterium aut forsitan contendere. Quod si presumperit, regulari discipline subjaceat. Si quis frequenter cor-

reptus pro qualibet culpa, si etiam excommunicatus non emendaverit, acrior et accedat correccio, id est, verberum vindictae in eum procedant. Similiter & qui prasumpserit claustra monasterij egredi

vel quocunque ire, vel quippiam, quamvis parum, sine iustione Abbatis facere, vindicta regulari subjaceat. Peccantes autem coram omnibus arguantur, ut ceteri metum habeant.

NOTITIA

De monasteriis quæ Regi militiam, dona, vel solas orationes debent, scripta in codem conventu Aquisgranensi.

Anno incarnationis Domini nostri Iesu Christi DCCXVII. Hludouicus serenissimus Augustus divina ordinante providentia conventum fecit apud Aquis sedem regiam Episcoporum, Abbatum, seu totius senatus Francorum; ubi inter ceteras dispositiones imperij statuit atque constitutum scribere fecit quæ monasteria in regno vel imperio suo dona & militiam facere possunt, quæ sola dona sine militia, quæ verò nec dona nec militiam sed solas orationes pro salute Imperatoris vel filiorum ejus & stabilitate imperij.

Hæc sunt quæ dona & militiam facere debent, numero XIV.

MOnasterium sancti Benedicti.
Monasterium Ferrarias.
Monasterium Nigelli.
Monasterium sanctæ Crucis.
Monasterium Corbea.
Monasterium sanctæ Mariæ Sueffionis.
Monasterium Stabulaus.
Monasterium Flaviniacum.
Monasterium sancti Eugendi.
Monasterium Novalicum.

V L T R A R H E N V M .
Monasterium sancti Nazarij.
Monasterium Offunvilarij.

I N B A V A R I A .

Monasterium Manaufer.
Monasterium Tegnauer.

Hæc sunt quæ tantum dona dare debent fine militia, numero XVI.

MOnasterium sancti Michaëlis mafœci primi.
Monasterium Balsa.
Monasterium sancti Sequani.
Monasterium Natratis.

V L T R A R H E N V M .

Monasterium Suarizaha.
Monasterium sancti Bonifacij.
Monasterium sancti Vvigberti.

I N A L E M A N N I A .

Monasterium Clehenuvanc.
Monasterium Fruhelimuvanc.
Monasterium Nazaruda.
Monasterium Campita.

I N B A V A R I A .

Monasterium Altemburg.
Monasterium Alcabe.
Monasterium Creaufa.
Monasterium Mathafco.
Monasterium Buria.

Hæc sunt quæ nec dona nec militiam dare debent, sed solas orationes pro salute Imperatoris vel filiorum ejus & stabilitate imperij, numero XVIII.

MOnasterium Melaredum.
Monasterium Fossatus.
Monasterium Luda.
Monasterium sancti Gregorij.
Monasterium sancti Mauri.
Monasterium Eborreheim.
Monasterium Clinga.